



Synfocity = 917

mail us at : mzsinfo@gmail.com; mizoramsynod@gmail.com - Phone - 2314648

November 30, 2023

❑ Synod Inkhawmpui

Synod Inkhawmpui wawi 100-na chu December 5 - 10, 2023 chhung hian Mission Veng Kohhran Biak Inah neih a ni dawn a. December 5 (Thawhlejni)-ah Nomination Committee an thu ang a. December 6 - 9 chhungin Rorel a ni ang a, zan lamah vantlang Pathian Biak inkhawm neih thin a ni ang. December 10 (Pathianni) Chawhmaah Pastor nemngheh leh Pro. Pastor dahngheh inkhawm neih a ni ang a, Chawhnuah Lalpa Zanriah Sakramen inkhawm a ni ang a, zan Inkhawmah Moderator valedictory sermon ngaihthlak a ni ang.

Kumin Synod Inkhawmpui Thlarau lam thupui chu 'Kraws pua Isua zui' (Luka 9 : 23) a ni a, December 9 (Inrinni) zanah Rev. John Raldosanga, Bethlehem Venglaiin thlarau lam thupui a sawi ang.

Kumin 2023 Synod Inkhawmpuia Puipa turte chu henge hi an ni :

| | | |
|-----------------------|---|--|
| Moderator | : | Rev. R. Vanlalnghaka |
| Secretaries | : | Upa B. Lalhmunliana (Sr.) Rev. P.B. Mankima (Jr.) |
| Finance Officers | : | Rev. V.L. Luaia Hranleh (Executive Secretary) Rev. P.C. Pachhunga |
| Statistician | : | Upa. Dr. Lalnunsiamia Colney |
| Senior Exe. Secretary | : | Rev. C. Zoramawia |
| Executive Secretary | : | Rev. Dr. K. Lallawmzuala |

Synod Inkhawmpui hi kum 2010 atang khan Bial-in an thleng tan a, kumin 2023 hian Mission Veng Bialin Mission Veng Kohhranah an thleng dawn a ni.

❑ Presbyterian Bible School (PBS)-in Farewell & Dedication wawi 56-na

November 24, 2023 (Zirtawpni) chhun dar 12:00 khan Presbyterian Bible School (PBS) chuan Batch 56-na pualin Farewell and Dedication Programme, Pi Zaii Hall, Synod Conference Centre-ah an hmang. Programme hi Rev. Lalrinsanga, Principal-in a kaihrui a, Rev. Dr. C. Chawngghmingliana, Synod Moderator-in zir chhuakte hnenah Certificate hlanin thuchah a sawi a, zirlai exam-a ti thate hnenah Upa Dr. Lalnunsiamia Colney, Synod Statistician-in lawmman a hlan a, class kal kimte hnenah Rev. P.B. Mankima, Synod Secretary (Jr)-in lawmman a hlan a, Pu C. Awithanga Award chu Upa B. Lalhmunliana, Synod Secretary (Sr)-in a hlan bawk.

PBS-ah hian a din tirh atangin tun thleng hian zirlai 2691 an awm tawh a, chung zinga 2246 ten tha takin an pass tawh a. Tuna batch 56-naah hian zirlai 64 awmin zirlai 59 ten tha takin an pass a, exam lo 5 an awm.

Exam-a ti tha zual pathumte hnenah lawmman ₹ 1000/-, ₹ 700/-, ₹ 500/- leh lawmpuina thuziak PBS Committee hminga hlan a ni a, chungte chu:-

- 1-na - K. Vanlalhruaia s/o K. Lalrosanga, Champhai Venglai Kohhran
- 2-na - R. Malsawmzuala s/o R. Biakremmawia (L), Sentlang Kohhran
- 3-na - Vanlalrohlu d/o L. Thanglianmawia, Bawngkawn Chhimveng Kohhran.

Batch 56-na zirlai zingah hian class kai kim mi 16 hnenah lawmman ₹ 500/- hlan a ni.

Kum 2014 atangin Christian Theology Subject leh Kohhran Inrelbawlina leh PCI Constitution Subject-a ti tha berte hnenah Pu C. Awithanga Award hlan thin a ni a. Tun tumah hian Christian Theology-ah Benjamin Lallawmkima (91 %) leh Kohhran Inrelbawlina leh PCI Constitution-ah K. Vanlalhruaia (93 %) ten he Award hi an dawng a ni. Award hian ₹ 1000/- a keng tel a ni.

❑ Synod Mission Board

◆ Nepal Mission Field

November 25, 2023 (Inrinni) khan belhtu thar pathum an awm.

◆ Jharkhand Mission Field

November 26, 2023 (Pathianni) khan belhtu thar pakhat a awm.

◆ **Karbi Anglong Mission Field**

November 26, 2023 (Pathianni) khan belhtu thar panga an awm a, kohhran Pawl dang aţangin mi pakhat kan kohhranah a rawn inpe bawk.

◆ **Arunachal & Assam Mission Field (East)**

November 26, 2023 (Pathianni) khan belhtu thar mi pali an awm.

◆ **Assam Mission Field**

November 26, 2023 (Pathianni) khan belhtu thar pakhat a awm.

◆ **Karbi Anglong Mission Field**

November 29, 2023 (Nilaini) khan belhtu thar pahnih an awm.

◆ **Masihi Sangati Evangelist tharte**

November 29, 2023 (Nilaini) khan Synod Mission Board hnuai contract-a thawk tur, Masihi Sangati Evangelist 10 leh Masihi Sangati (Kawl) Evangelist pakhat lak thar an ni:

1. R. Lalmuanpuia, Bilkhawthlir
2. K. Lalrinzuala, Mamit Lungsir
3. Lalbiakchami, N. Mualcheng
4. Rishab Das, Leitan South
5. Hmingthansangi, Nursery Veng
6. Nancy Lalhmingmawii, Tuikual South
7. Susma Thapa, Zuangtui
8. Khaia, Edenthav Veng
9. Shiva Rabi Das, Chanmari
10. Estheri Dha Maya, Phunchawng
11. Lalmuanpuia (Pyoe Sone Tun)

Heng an hna te hi January 2024 aţangin an thawk ţan ang a, January 15-19, 2024 chhungin Masihi Sangati Kendra, Bawngkawnah Orientation an nei ang.

□ **Pastoral Care & Counselling Training Graduation Service**

November 28, 2023 (Thawhlehi) khan Pi Zai Hall, Synod Conference Centre-ah November 15-28 chhunga Family Guidance & Counselling Centre (FG&CC)-in Pastoral Care & Counselling Training an buatsaih kharna hun hman a ni a. Rev. V.L. Luaia Hranleh, Executive Secretary-in Graduation Service hi a kaihruai a, Inlawmna leh inhmelhriattirna Rev. Dr. Vanlaltluangan a nei a. One in Christ an zai zawhin Rev. R. Lalhmingthangan Final Evaluation a tihpui a. Rev. Dr. C. Chawngmingliana, Synod Moderator-in Certificate a sem zawhin thuchah a sawi zui bawk. Trainee-te atangin Male Voice ngaihthlak a nih hnuin trainee-te aiawhin Rev. Dr. Malsawmtluangan thu tawi a sawi a. Trainee-te tana tawngtaisakna hun Upa Lalmalsawma, Committee Member-in a hmang a. Rev. Lalsangbera, Director, FG&CC-in lawm thu a sawi bawk a ni.

Tun ţum Pastoral Care & Counselling Training hi a wawi 31-na a ni a. Mizoram Presbyterian Kohhran Pastor 24 bakah Myanmar atangin Pastor 5 an tel bawk a, an vaiin mi 29 an ni.

□ **Kohhran Hmeichhia**

November 28, 2023 (Thawhlehi) chawhma dar 11:00 khan Kohhran Hmeichhe enkawl 'Hmangaihna In' chu Central Kohhran Hmeichhe Committee ten tlawhin hun an hmanpui.

Programme hi Hmangaihna In Recreation Room-ah hman a ni a, Pi Zothanpari, Chairman-in a kaihruai a, Pi C. Lalbiaktluangi, Superintendent, Hmangaihna In chuan report a pe a. Pi Zothansiami, Treasurer-in thuchah tawi a sawi a, kal khawmte aţangin thusawi tawi ngaihthlak a ni bawk. He hunah hian Central Committee chuan Hmangaihna In tan hian Krismas thilpek an hlan a ni.

Hmangaihna In hi kum 1986-a din niin a tîrah chuan SEC-in Sub-Committee siamin a enkawl a. June 20, 1987 aţangin Synod Tihdam Rawngbâwlna Board-in a enkawl a. Kum 1991 Synod Inkhâwmpui chuan Kohhran Hmeichhe enkawl turin a rêl a. August 22, 1992 aţangin OM hriatpuiin Kohhran Hmeichhia, Central Committee chuan a enkawl ta a ni. Hmangaihna In din tirh aţangin naupang 494 an awm tawh a. Tûnah hian thawktu nghet 11 leh daily-a thawk 9 an awm a, naupang awm zât hi a danglam ve reng a, tûn dinhmunah hian nausen/naupang 25 enkawl mêk an ni.

☐ **KTP**

◆ November 24, 2023 (Zirtawpni) zan khan KTP General Conference 2024 Hla Bu chu Synod Conference Centre-ah Rev. Dr. F. Pachhunga, CKTP Leader-in Pathian hnenah hlanin a tlangzarh. Tlangzarhnaah hian Aizawl chung branch aiawh pakhat theuh leh CKTP committee member-te an kal a, Mizoram Synod Choir an zai bawk. Conference hla bu hi a bu pangngai ₹ 60, Spiral ₹ 80 leh A4 size ₹ 150 man a ni. Kum 2024 KTP General Conference, Ngopaa neih tur hi Diamond Jubilee a nih angin, Hla Buah pawh hla 60 dah a ni a, a huhova sak nuam tur chi leh hla hlui, conference hla bua lo chuang tawh dah leh a ni nual bawk. KTP General Conference Bla Bu hi copy 55,000 chhut a ni.

◆ Central KTP committee vawi 770-na leh Kum 2023-a a hnuhnung ber chu November 28, 2023 (Thawhlejni) khan Committee Room-1, Synod Office-ah neih a ni a, he hunah hian Agenda pawimawh tak tak leh Kum 2024 KTP General Conference inbuatsaihna chi hrang hrangte thlir ho a ni.

☐ **Prison Ministry**

◆ November 27, 2023 (Thawhtanni) khan Lunglei khawpui chungka Kohhran Committee leh Branch KTP OB-te pualin 'Lung Ina rawngbawl dân tûr' Seminar, Lunglei Chanmari Kohhran Hall-ah neih a ni a. Rev. H. Lallianzara, Administrative Secretary, Lunglei-in Seminar hi a kaihruai a, Rev. Lalmuchhuaka, Synod Prison Ministry Director-in paper a present a ni.

Chawhnu lamah Upa Lianzela Sailo, Chairman, Prison Ministry Sub-Committee, Lunglei-in kaihruaiin sawi hona, sharing leh zawhna leh chhanna tea hun hman a ni.

Hetih rual hian November 25 (Inrinni) zan leh November 26 (Pathianni) zan khan Lunglei khawpui chhûnga Pastor Bial thuthmun kohhran pathum - Chanmari, Venglai leh Bazar Veng Kohhranah Prison Ministry Awareness Campaign neiin Rev. Lalmuchhuaka, Pu David Lalnunsanga Colney (SPM Counsellor) leh Tv. Lalrempuia, Speaker, Saltang Chhuahtu Team te'n hun an hmang bawk.

◆ December 2, 2023 (Inrinni) khan Chawlhmun Kohhran Hall-ah Aizawl West-II Presbytery huapin Jail tang chhuak FOLLOW-UP programme neih a ni. Synod Prison Ministry chuan lung ina tângte zinga rawngbawlina leh Jail tang chhuakte um zui rawngbawlina (Follow-up) hi tum hnih a lo buatsaih tawh a, a vawi khatna hi July 22, 2023 khan Bungkawh Kohhran Golden Jubilee Hall-ah neih a lo ni tawh a ni.

☐ **Campus Ministry**

November 27, 2023 (Thawhtanni) khan Pi Zai Hall, Synod Conference Centre-ah Synod Campus Ministry chuan Presbyterian English School zirtirtute pualin Symposium a buatsaih a. Symposium thupui, "Tleirawlte Kaihruaina kawnga inzirtirna" tih chu chawhma leh chawhnuah te an zir ho a ni.

Symposium hi Rev. H. L. Thianghlina, Campus Ministry Director-in a kaihruai a, Rev. Dr. K. Lallawmzuala, Executive Secretary-in Symposium hi hawnga thu a sawi zui hnuin chawhma lam thupui 'Tleirawl tha - Kohhran leh ram tan' tih chu T. Upa Lalthlamuana Ralte, Resource Person-in a sawi a. Chawhnu lamah thupui, 'Tleirawlte leh ruihhlo' tih chu T. Upa K. Lalengzama, Resource Person-in a sawi ve thung a ni.

Symposium-a tel tur hian PES 24 atangin zirtirtu pahnih theuh sawm an ni a. School 21 atangin mi 42 an tel thei a, a buaiputute nen mi 49-in Symposium hlawk tak an hmang a ni.

☐ **MSSU**

December 2, 2023 (Inrinni) hian Zawlnuam Bialah Sunday School zirtirtu training neihpui turin trainer-te, Upa K. Vanlalngbaka, Upa Lalbiakliana leh Upa Isak Zarzoliana Chhangte te an kal ang.

☐ **Bible Sunday**

December 3, 2023 (Pathianni) hi Bible Sunday a ni a, Presbyterian Kohhranah chuan Bible Sunday pualin inkhawm vawi hnih neih tura ruahman a ni. Chawhnu inkhawmah thupui "Pathian thu thiltitheihna" leh zan inkhawmah thupui "Mi tin ta tur Pathian thu" tih chu zir ho a ni ang.

Bible Sunday kan hman chhan chu Bible theh darh kawnga intihchak tharna atan a ni a, a hman dan tur hi Bible Society of India, Aizawl Auxiliary Office lam atangin ruahman thin a ni a, chu chu Kohhran hrang hrangin kan zui thin. Bible Sunday-ah hian Bible Society pualin Inkhawm vawi khat thawhlawm lak khawm thin a ni bawk.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlna pek a ni.

| S.No | Khua/Veng | Pek chhan | Chhungkaw zat | Pek zat |
|-------------------|-------------------|-------------------------|---------------|---------------------|
| 1. | Bung Bangla | Damlo | 4 | ₹ 40,000/- |
| 2. | Biate | Damlo leh khawsak harsa | 3 | ₹ 30,000/- |
| 3. | Hualngohmun | Damlo | 2 | ₹ 20,000/- |
| 4. | Sairang Dinthar | Damlo | 1 | ₹ 10,000/- |
| 5. | Tlungvel Vengthar | Damlo | 1 | ₹ 10,000/- |
| 6. | Lamherh | Khawsak harsa | 1 | ₹ 10,000/- |
| 7. | Zemabawk North | Damlo | 1 | ₹ 10,000/- |
| Belh khawm | | | | ₹ 1,30,000/- |

Myanmar tualchhung buaina avanga inkahnaa hliam tuar, Trinity Hospital-a mi pariat leh Ebenezer Hospital-a mi pali, an vaiin mi 12 te hnenah ₹ 5,000/- theuh, a vaiin ₹ 60,000/- leh Evangelist Manipur buaina avanga thawmhnaw kalsan leh chan mi pakhat hnenah ₹ 50,000/- pek a ni bawk.

❑ **FM Zoawi - Aizawl & Lunglei : Hruaina Eng Radio Programme**

December 1, 2023 (Zirtawpni) @ 7:30 p.m. :

Solo : Lalhruaizeli - Muanna an nei
 Zaipawl : Mizoram Synod Choir - Pathian Kohhran
 Thusawi : Rev. Joseph Lalnunmawia - Lalpa zawn chhuah ram
 Solo : H. Lalmuankimi - Jerusalem thar
 Zaipawl : Republic Veng Bial Zaipawl - Hlimna Zion

❑ **Su Samachar Prasaran Programme :**

December 3, 2023 (Pathianni) 5:30 pm. :

Group/Choir/Solo : Eli Varte - Apne Hathon Se
 Group/Choir/Solo : Champhai Vengthlang Pastor Bial - Hamara Kal
 Sermon : Rev. Laltharzuala - Masib hamara Adarsh
 Group/Choir/Solo : Hmingtea Tochwawng - Jisu tomal Bhalo Bese Chhi
 Group/Choir/Solo : Central PYF Choir - Krus Par

❑ **Hruaina Eng TV Programme**

30.11.2023 (Ningani) 8:30 pm : Thupui zir bing - Krismas - A tobul
 1.12.2023 (Zirtawpni) 5:00 pm : Kristian Naupang Pual
 2.12.2023 (Inrinni) 5:30 pm : Puitling Sunday School Zirlai
 3.12.2023 (Pathianni) 8:00 am : Weekly round up
 8:30 am : Bible Sunday Sermon
 5:30 pm : Su Samachar Prasaran
 8:30 pm : Bible Sunday Sermon
 4.12.2023 (Thawhtanni) 8:30 pm : Hruaina Eng Luang chhuak
 5.12.2023 (Thawhlehi) 6:30 pm : Synod Inkhawmpui LIVE
 8:30 pm : Nilai Thupui zir ho

HRIATTIRNA

Synod Revival Committee chuan December-ah Synod Revival Camping Centre, Sihphir Neihbawi-ah Camp- ing a buatsaih dawn a. A duh tan luh theih ani ang. Registration Fee ` 100/- a ni ang a. Mahni mimal mamawh hrang hrang bakah Mut bu, Bible, pen leh note bu ken tur a ni. Ruihtheih thil ken luh phal a ni lo a. Mobile Phone pawh ken luh phal a ni lo. Thawhlehniah lutin Inrinniah chhuah leh thin tur a ni ang. Camp hun chhung : December 5-9, 2023

Sd/-
 Rev. C. Zoramawia
 Senior Executive Secretary
 i/c Revival